

ВЛКСМ-н таньгъчин комитетин 4-ч пленум

Октябрин 22-т ВЛКСМ-н Хальмг таньгъчин комитетин 4-ч пленум болв. Пленум, багъчуд дунд сургъмджин кодлмиш ясуулгъна туск төрәр күүндвр кев.

Эн төрәр кесн докладтан, ВЛКСМ-н таньгъчин комитетин сeгләтр Б. П. Надбитов, Советск Хальмгин комсомольцир боли багъчуд, социалистическ эдл-ахун кодлмиш ямаран кевәр өргәр орлицдж, диилвр күүндж йовхин тускар, альк чигн производствд багънаста көвүд-күүнд шунмгъа кевәр дөрлдж к о д л а д. ВЛКСМ-н 40-ч өөнд ик диилвр тәгъяр ирджәхин тускар, цааранднь чигн эдн эн дөрлдәнә залиг бөкәл уга. Алдр Октябрин 41-ч өөнд боли КПСС-н XXI-ч хурт күүч-көленә сән белгүдтә ирхәр гүдждж кодлхин тускар келв.

Цааранднь докладчик, багъчуд дунд сургъмджин кодлмиш бәәх дуту дундиг темдгәв. Комсомольцир боли багъчуд дунд докладе, лекце күүндврмүд багъар кегддиг, физкультурн боли спортин кодлмиш дор газрмудар бәәтхә, нам райодин боли республикин центрмүдәр багъчудиг хәтәрәр орцулдиг докладчик заадж келв. Политическ сургъмджин кодлмиш комсомольск организацар сулар кегддәнә. Нам бүрдәгден кружок занятан цаглань келго бәәдг газрмуд олн гидж үр Надбитов келв.

Докладиннь сүүләр Б. П. Надбитов, багъчуд дунд сургъмджин кодлмиш ясуулгъна туст ямаран кодлмиш кегдх зөвтәг заадж келв.

Докладар, босдж үг келсн 383-ч номертә совхозин комсомольск организацин сeгләтр үр Белозеров, совхозин комсомольцир боли багъчуд эн джил производствин нүүрт йовдж, тәрәнә байн ургъц ургъадж, хурадж авлгәнд боли малас эдл-уш гаргъдж авлгәнд ик диилврмүд күүценә тускар келв.

— Манд бәәх нег ик дутгмдн — политическ сургъмдж багъчуд дунд өргәр делгрү-

лдж чадад угавдн — гидж эн темдгәв. — Бидн кружок бүрдәсн болв чигн, кергтә хальмг литератур уга болад кружокин занятиг даньгин газетин материалмудар кенәвдн. Тер учрар, тингәд чигн эврән тер газетинг умшдг багъчудт кружокин занягьс ик соньн болхш.

Комсомольцир боли багъчуд физкультурин боли спортин кодлмиш ямаран кевәр орлицдяхин тускар, физкультурин боли спортин республикин комитетин ахлач Гучунов келв. Кергтә базмуд райодт чигн, республикин центрт чигн уга болсн учрар, мана кодлмиш ик дуту-дундта болджана гидж үр Гучунов келв.

Каспийск загъсчир — комсомольцир боли багъчуд ВЛКСМ-н 40-ч өөниг уктгч социалистическ дөрлдәнд ик гидг производствени диилвр бәрсенә тускар, Прикаспийск загъсна комбинатин консерви цехин комсомольск организацин сeгләтр үр Хренов келв.

— Бидн бәрсн диилврт, нүүрт йовх улсин күүцлtd ик өнгь өгнәвдн. Нүүрт йовх улсин дамшлтиг хамцулад, цуг олд тархадж цәәлгәдг шишлнь комисс ВЛКСМ-н райкомд бәәнә. Дакад бидн, февраль сарас нааран тасрхан уга «комсомольская пятница» гидж кенәвдн, терүнд олн зүүсн төрәр лекце доклад кенәвдн. Эн — комсомольцирт боли багъчудт икәр таасгддж, сән дөнъ болна, — гидж үр Хренов келв.

Сургъульцирин загъсчирин бригад бүрдәгден, түүнд школьникүд ямаран кевәр сән сургъмдж, дамшлт авчачин тускар эн келснь — пленумд орлицачирт ик соньн болв.

— Юстинск районд олн багъчуд боли комсомольцир хөөнә хошмудар, кеер кодлдж йовцхана. Эднә күүч-көлен ик күүцвртә болв. Багъчудин гарар эн джил 25 миньгь гартонн өвсн, 19 миньгьн тонн силос белдгдв. Хөөнә бригаде дундлад 100 хон болгънас 115 хургь өскв. Болв иим шунмгъа багъчудт бидн седклинь ханьгъадж сергъмджин, сургъмджин

кодлмиш күүц кедж өгч маддж-ахшивдн, — гидж райкомин сeгләтр үр Убушиев келв. — Района центрт, культурин Герт бүрдсн художествени самодетельность хөөчирт, тос-хачирт нар наад гаргъдж үзүлнә. Болв 5-6-д сардан хөөчир кино үзхш. Дегтр хуладж авхар седхлә, райсоюз дегтр авч ирхш. Района физкультурин боли спортин кодлмиш му. Түүг нам кедг күн чигн уга. Джилин туршарт түүнд дөрви ахлач сольгдв — гидж үр Убушиев заадж келв.

Эврәннь үгдән үр Убушиев, үр Жигайлов (Приютненск районас), үр Сармуткин («Калмыкстрой» трестин КПП), үр Журавлев (Яшкульск район), үр Савченко (Западн района Кировин пертә колхоз), үр Четырев (Целин район), үр Луцаев (Сарпинск района «Гигант» колхоз) — багъчудин күүсн диилврмүдин тускар комсомольцир боли багъчуд дунд сургъмджин кодлмиш бәәх дуту-дундин тускар цәәлгәдж келцхәв.

Пленумд босдж үг келсн, урднь комсомолин кодләч йовсн, поэт Коляев Сандж, эврәннь урдк кодлмишин дамшлтас хувацдж келв.

Пленумин кодлмиш КПСС-н таньгъчин комитетин негдгч сeгләтр Н. И. Жезлов орлицдж, келсн үгдән, Хальмг республикин комсомольск организацин өмн бәәх агъу ик төрмүдин тускар келв.

Күүндгден төрәр пленум делгрнъгъү шиидвр батлдж авб.

Пленум бүрдәмджин төр хәләв. ВЛКСМ-н таньгъчин комитетин негдгч сeгләтр Б. П. Надбитов оньгстан кодлмиш гарчах учрар, пленум энүг кодлмишәснь сулдхв.

ВЛКСМ-н таньгъчин комитетин негдгч сeгләтрт В. С. Бушин батлгдв. ВЛКСМ-н таньгъчин комитетин сeгләтрмүдт пленум бас В. П. Дорджиевиг боли З. Д. Бадугиноваг батлв.

ВЛКСМ-н таньгъчин комитетин пленумин ханьд боли ВЛКСМ-н таньгъчин комитетин бюрон ханьд ирлицъгъү сольвр кегдв.